



國朝耆獻類徵初編卷三百三十一目錄

忠義一

特音珠

阿巴泰等

阿蘭珠

佟養正

子佟豐年

席爾泰

朗格等

滿達理

西佛等

納爾察

達音布

子岱袞

穆克譚

勞漢

尹布等

覺羅拜山

子顧納岱  
孫莫洛渾

覺羅鄂博惠

覺羅阿賚

綽和諾

卓納

子羅洛多貝等

納海

塔納喀等

努三

和托諾等

巴篤理

固山

僧錫等

黃廷元

弟廷儒

廷柏

納密達

炳圖等

書甯阿

感濟泰等

阿爾休

穆虎等

國朝耆獻類徵初編卷三百三十一

通奉大夫前署江西巡撫江西布政使司布政使湘陰李桓輯

忠義一

特音珠

阿巴泰等

特音珠滿洲鑲藍旗人姓完顏 國初偕阿巴泰來歸阿巴泰姓

覺爾察屬滿洲正白旗 太祖高皇帝始編佐領以特音珠兼管

六佐領事設扎爾固齊十人阿巴泰預焉乙未年特音珠從額駙

揚古利征輝發部奪塔思哈橋掌纛士中礮仆佐領五岱代舉纛

前傳城爲飛石所中歿於陣額駙托柏佐領和羅俱戰歿特音珠

先登克其多璧城授騎都尉世職己亥年從征哈達城上矢石如

兩佐領耶陳奮勇登被戕特音珠在事有功庚戌年阿巴泰從內  
大臣額亦都招撫東海窩集部之那木都祿綏芬甯古塔尼瑪察  
四路降其長康古哩等復取雅蘭路阿巴泰力戰陣亡辛亥年特  
音珠從揚古利攻呼爾哈路扎庫塔城三等侍衛貝和佐領貴三  
松阿里戰歿特音珠負創戰益力三等侍衛阿達海先登克其城  
阿達海額亦都第五子也癸丑年烏拉貝勒布占泰負恩叛大兵  
討之布占泰率兵三萬由富哈城而東特音珠阿達海率護衛業  
中額等邀擊之阿達海業中額及閒散米拉渾均歿於陣大兵敗  
布占泰遂平烏拉國特音珠授副都統尋以創發卒師旋議卹特  
音珠子多貝襲騎都尉世職多貝自有傳阿巴泰子新泰襲騎都

尉世職天命六年從大兵攻遼陽有功授輕車都尉旋擢護軍統領十一年從攻甯遠戰歿子葛思海襲職和羅滿洲鑲白旗人姓伊爾根覺羅 贈雲騎尉孫鄂錫襲五岱滿洲正白旗人孫瑚什塔爾任七品官托柏滿洲正白旗人姓他塔喇贈廕無考耶陳滿洲正白旗人姓舒穆魯從征鴻石薩爾巴有功 贈三等輕車都尉從子沙渾襲貝和滿洲鑲白旗人姓墨爾哲勒 贈雲騎尉孫布爾泰襲貴三滿洲正黃旗人姓哲爾德 贈騎都尉子福達理襲松阿里滿洲正黃旗人姓興嘉子鄂能以軍功授騎都尉世職什至奉天將軍阿達海子阿哈尼堪襲佐領世職擢護軍參領崇德三年從攻中後所擊明兵歿於陣業中額滿洲鑲黃旗人姓瓜

勒佳孫哈實庫自有傳米拉渾滿洲鑲紅旗人姓棟鄂 贈雲騎尉

尉

右 國史館本傳

阿蘭珠

阿蘭珠先世居棟鄂以地爲姓父阿格巴顏初與兄對齊巴顏並爲屯長太祖高皇帝征杭佳城時阿格巴顏適在城中守城者爲阿格巴顏之妻父屬其助已拒守阿格巴顏不可曰以德誅亂宜也吾安能助亂而拒有德乎尋同對齊巴顏各率所屬來歸隸滿洲鑲紅旗授對齊巴顏之子噶爾瑚濟及阿蘭珠皆爲佐領分轄所屬阿蘭珠旋擢理事大臣從征烏拉布占泰直前衝擊中創且傷馬下馬步戰弗稍卻遂歿於陣太宗文皇帝天聰八年予三等輕車都尉世職以其弟布爾堪襲布爾堪初任佐領尋兼參領天聰四年同參領武賚哈甯阿等奉命率精兵百人略明邊境

生擒閒諜三人馳獻復渡大凌河斬級四十餘俘獲百六十人八年重定各佐領所屬人戶以新附瑚爾哈百人增隸布爾堪尋駐防牛莊追獲蒙古逃人晉世職爲二等輕車都尉崇德元年卒以兄之子坦泰襲坦泰卒子圖哩襲三遇 恩詔晉世職至三等男順治十三年 世祖章皇帝追敘 太祖朝據忠效力著績行閒諸臣視一品大臣例 賜諡立碑阿蘭珠與焉諡曰順毅

右 國史館本傳

佟養正

子佟豐年

佟養正遼東人其先爲滿洲世居佟佳以地爲氏祖達爾哈齊以貿易寓居開原繼遷撫順遂家焉天命初佟養正有從弟佟養性輸誠太祖高皇帝於是大軍征明克撫順佟養正遂挈家併族屬來歸隸漢軍六年從征遼陽以功授三等輕車都尉世職奉

命駐守朝鮮界之鎮江城時城守中軍陳良策潛通明將毛文龍詐令謀者稱兵至各堡皆呼譟城中大驚良策乘亂據城叛佟養正被執不屈死之長子佟豐年並從者六十人俱被害詔以次子佟圖賴襲世職

[illegible]

席爾泰 朗格等

席爾泰滿洲正白旗人姓棟鄂父綸布 國初率四百人來歸  
賜名魯克素編佐領使席爾泰統之席爾泰從征數有功授輕車  
都尉世職預十六大臣之列其同族有朗格者屬鑲紅旗亦以佐  
領累立戰功授騎都尉明都司毛文龍窺撫順席爾泰朗格擊卻  
之天命六年偕騎都尉瑪爾圖防禦綽納雲騎尉巴雅爾圖從征  
瀋陽克其城明兵敗走追擊之渾河席爾泰朗格先登均歿於陣  
巴雅爾圖從大兵攻遼陽奪其橋克之授騎都尉世職時遼陽瀕  
海居民多逃島中文龍籠絡其民爲兵分布哨船據皮島明授文  
龍總兵以皮島爲重鎮時窺我邊界鎮江城中華陳良策潛通文

龍令別堡之民詐稱文龍兵至大譟城中驚擾良策乘亂執城守  
遊擊佟養正及領催佟恆年鴨綠江守堡官高守官叛附文龍養  
正自有傳恆年守官俱不屈死之 上命遷鎮江沿海居民於內  
地遷金州民於復州文龍失援戰輒敗七年大兵攻廣甯筆帖式  
書穆魯戰歿於沙嶺明巡撫王化貞棄城遁師大潰十年大兵攻  
錦州瑪爾圖及護軍參領翁克力戰歿於陣十一年圍甯遠明檄  
文龍赴援不至監軍道袁崇煥設城守巴雅爾圖率士卒攻城天  
塞土凍鑿城已穿而不墮崇煥發西洋巨礮傷我軍巴雅爾圖及  
綽納俱歿師旋席爾泰之妻違禁屠馬祭夫例當死其兄席漢求  
削世職贖罪 允之子拉都由軍校從征崇德五年擊敗杏山援

兵七年戰於松山有功進攻甯遠陣亡 贈騎都尉弟巴都襲朗

格 贈三等輕車都尉子棟世祿襲瑪爾圖滿洲鑲白旗人姓扎

庫塔子烏庫禮襲騎都尉世職巴雅爾圖滿洲正黃旗人姓伊爾

根覺羅子阿賽襲綽納滿洲鑲紅旗人書穆魯滿洲正黃旗人姓

瓜勒佳翁克滿洲正白旗包衣佟恆年正藍旗漢軍 贈騎都尉

從子國坤襲高守官鑲黃旗漢軍 贈騎都尉子題名襲

右 國史館本傳

蘇子與車馬無異也歟曰然則隨商賈五穀遊人狹而餘

許國公卿車馬採玉來對新豐酒國滿樓東門遊人坐井

五十二 羊彈丸公山曰然文南意刺之

滿達理 西佛等

滿達理滿洲正黃旗人姓納蘭世居布顏舒護魯任佐領天命六年偕參領西佛隨額駙揚古利攻瀋陽明總兵陳策以川兵二萬渡渾河來援長矛大刀鎧冒重錦氣甚銳西佛先登歿於陣滿達理繼進鏖戰久之策大敗明總兵李秉誠率三千人守奉集堡以兵來襲三等輕車都尉彥布禮布哈佐領廷都閒散旺格俱戰歿秉誠敗走追至河橋閒散孫扎齊巴彥陣亡明將效死者無算諸援師悉潰揚古利令滿達理暨驍騎校回三先登遂克瀋陽旋隨揚古利攻遼陽明經略袁應泰急注太子河水於隍閉西閘環城列守具我兵至軍其城東南秉誠暨總兵侯世祿以兵五萬出城

五里而陣擊走之佐領岱蒙阿陣亡明兵三萬出東門外力拒槍  
礮齊發回三戰歿我軍奪橋進從小西門緣梯登城遂拔之滿達  
理歿於陣子舒書襲騎都尉世職西佛滿洲正白旗人姓他塔喇  
贈騎都尉子禪泰襲彥布禮滿洲鑲藍旗人姓瓜勒佳世居瓦爾  
喀初任佐領兼騎都尉屢立戰功 贈二等輕車都尉子葉勒慎  
襲布哈滿洲正藍旗人姓舒穆魯由佐領累立功授三等輕車都  
尉子華善襲旺格孫扎齊巴彥俱滿洲鑲紅旗人姓棟鄂旺格  
贈騎都尉子哈爾薩襲孫扎齊巴彥 贈三等輕車都尉子阿勒  
東阿襲廷都姓錫克特哩岱蒙阿姓賴布俱滿洲正黃旗人無襲  
回三滿洲鑲紅旗人姓瓜勒佳 贈雲騎尉子珠瓦尼襲

右 國史館本傳